


# Körnlibank 2018



# Körnlibank 2018

## Gemeinderat im Pech

Da Martin Kapferer hät im Wii-Lada, bi da Truba nebenzua  
Chianti, Grappa und Bier gsoffa wia a Kuha.  
Drum isch ihm bim Heimgo d Stross grad entgega gjuckt  
Salto mit Velo und sis Gsicht häts bös in Teer ini druckt  
Sini Wunda sind genäht wora im Spital z St. Galla oba  
doch zum Glück häts ihmsini Festplatta nöd au no verschoba.

## **Notwendigkeit oder Schikane?**

Im Durchmesser fascht fünf Millimeter gross  
s Gwicht' nöd mehr als halbes Gramm - es ist famos  
registriert unter da Nummera eis-zwo-acht  
Paragraf fünf vum neua ReglementRäbschter-Fasnacht  
Und s isch kaumzum glauba, aber wohr  
da isch dia neu Puncherli-Normfür s'nöchschi Johr.

## **Standort für neues Rathaus gefunden**

I hör' nach da Fusion scho da Ratsschreiber Graber Urs  
mit am neua Gmeindspräsi im mündlich a Diskurs.  
Beidi diskutierid imneua Rothusbim Frühstücka:  
„Wer dörf hüt d Erdbeera im Triebhus beim Eugster pflücka?“

## **Coiffeurs Wehwechen**

De Haarfresser Busch het sich müssein ärztlichi Behandlig begäh.  
Da Grund isch a wüschtvereiterti Zunga -so öpis häsch no nie gsä.  
Doch alli Pille und Sälbeli hönd nöd helfe wella  
Leida und Schwiega für immer – do druf hät sich de Busch müsse istella.  
Doch wa da Dokterund da Patient nöd gmerkt hend - und jetzt kunnt s'Aha.  
D Ursach isch nöd Zunge gsi, sondern en abbrochna Zah'.  
Dä het am Busch a sinara Zunge kratzt und gschürrt,  
an Bsuech bim Zahnarzt het zur sofortige Linderig gföhrt.  
Übrigens isch während am Busch sinara  
Lidenszit a wunderbari Stilligsi, doch sit är wieder sc hnorra ka,  
isc has mit da Ruhe leider wieder verbii.

## **Ein Haustürverkäufer in Eile**

I da Fahrschul han i s sc ho kapiert  
wo mis Auto wörd häri parkiert.  
Doch i ha zufällig gseh so an Räbschter Strassa-Held  
wo parkiert hät uf amabehinderta-Parkplatz-Feld.  
Z Widnau bim Migros hör i drum a luts Ta-Tü-Ta-Ta  
und da Stefan-Nauer kund vu da Polizei ganz bös dra.

Und för sini wohltätig Spend' vu 250 Franka.  
tuat er sich nöd amol bi da Tsc hugger bedanka.  
Justi: Dini Crema sind guat, du alta Sc hlufi  
aber schmier's doch bitte zuerst i disHirni ufi.

## Zwei Fernsehstars sind geboren

Da Ski-Zirkus isch vom Räbschter Marc Girardelli kommentiert wora  
doch zwäschezitlich hät ihn s Fernseh gschickt, üsi Groschli-Schnorra  
Dä broat Vorarlberger-Dialekt verstoht i dä Schwiez doch kei Sau  
ussert mör Rhintaler, aber auwirwörid us dänaKommentär nöd schlau!  
  
Und au üsa Mänf Bischofbergerhät vill i sini Fernsehkarriära investiert,  
an Hochzitsfilm gmacht und bi da Pokalturnier-Vorschau mit Monolog brilliert.  
Drum hät man ihn bim FCR Projekt-Filmjetzt sogar als Hauptdarsteller chönä gseh,  
villicht würer gschieder grad auno am Girardelli sini Skirennä überneh.

## Claudias Gefühlswelt

D Begrüssig „Liebi Gäst vu da Sonnenbräu“  
ischför üsari Claudia Graf eigentli nöd ganz neu.  
Doch dia Begrüssig passt eifach nöd is Schema  
bi da Gwerb-Usstellig vu da GIREMA.

## Lisbeth die Allesköningerin

Mit em Lüschi isc h nöd eifach Kirsche ässe  
das wird aud Lisbeth Lutz nöd grad vergässe.  
Ihre Buechehaagtuem SichtufdStrossversaua,  
also wir der vo da Lisbeth sofort radibutz umghaua.  
  
Bald stöht en neue Sichtschutzi Lisbeths Garta  
doch de nögschi Protest loht nöd lang uf sich warta.  
De Lüschi ärgeret sich grüe und blau,  
denn jetz tstinkt 'süberall im Quartier wied Sau.  
Und d Lisbeth stöht später a da Baustell mit Banga und Hoffa  
will sie bim Pfohl-Ramma genau d' Gasleitihät troffa.  
  
Drum liebi Lisbeth, wenn du hüt do bischt im Saal,

für die Aktion bechunnscht vo üs de Obervogel-Wanderpokal.

## **Strick ganz allein**

Da Obervogel Dani Strickler isch eigentlich nöd doof  
er hockat im Winter ganz allei z Lüchiga im Ribelhof  
A Einladig i da Hand, doch niemand kunnt vorbi  
will dia FC-Sitzig im Ribelhof sc ho vor ama Johrisch gsi.

## **Männerchorpräsi braucht mehr Platz**

Zehn Liter Glühwii, a Kischta Sunnbräu, an Notaständer  
an Doppel-Kinderwaga und sieba Meter Balkongländer  
a Aquarium, füfzehn Windlapäck und no an Ski  
Urs Gruber: I ha dir doch gseit, dis Elektro-Auto ischt eifach z kli.

## **Käsknöpfli aus China**

I has im TVO geseh' und das isch kein Witzi  
da Fernsehsendig „Menscha i da Ostschwiz“  
baut d Familie Van Kesteren an chinesischa Spätzliwaga  
da André und Nic ole krampfid und tönd nöd gross klaga.  
Sogär da Pensionär Wila fluachat, schrubat und tut kleba,  
bösi Zunga behauptid: Er krampfat no mehrals i sim ganza Berufsleba.

## **Drei Anlässe an einem Abend sind zwei zuviel**

I sött a d Hauptversammlig vum FC  
und au da Vortrag über d Biela vom Ivo han i wella gseh.  
Und i wär au no gern go tanza zur Pro-Cultura i da Burg oba  
doch wa i eu jetzt säg, isch kaum zum globa.  
Alli drü Anläss sind am glica Fritig abendgsi  
wäg däna schlächta Planiga schiesst mir nöchstens grad d Milch no i.

## Peinliches Missgeschick im Hallenbad

Da Obervogel Otto Graf, üusers Eis  
isch wohl scho a chli dement und an alta Greis.  
Er isch i da Badi z Heida gedanklic himmer no i da Sauna gsi  
und hät drum öpis wichtigs nümma dabi.  
Badmantel weg und er stoht am Bassinrand  
und allna Badegäscht raubt är da Verstand.  
Füdlibluttsteht är im normala Hallenbad, dä armi Tropf  
zum Glück fliest sis Bluat nu no i sin Kopf.  
Und alli Frau grölid entzückt, i glob i spinn  
Ächt wäg da Grössi vum Otto sim Ding?

## Silis Ferienabenteuer

Da Silvan Strickler hät mit em Flügä so sini Problem,  
drum nimmt er da Johr uf Sardinia sis Auto ganz bequem.  
D'Fährä hät aber z'Genua gwartet und gwartet ganz vergäbä  
Denn scho z'Bellinzona isch dem armaKerli sin Karra ablägä.

## Steuern über Steuern

I ha letschthin gmerkt, dass ma för alles irgend a Stür zahlt  
mini Rechnig för Gmeind' und au för d Kircha lot mi nöd kalt  
Au für s Benzin zahlt ma Mineral-Stür  
und d Feuerwehr isch au no choga tüür  
Für min Hund muss i au viel z viel zahla  
und au för mis Ross git s Bezahlal Quala.  
Neu wänd üsi Politiker jetz au no a Stür för alli Katza lanciera  
aber wehe, wänn üsi Gmeind' au no för üs Vögel wett cassiera.

## Raserfamilie Litscher

De Litscher und sini Doris wänd es eigas Wohnmobil konstruiere,  
doch defür müends jedes einzelni Teili überall häri go organisiere.  
Mit de neue Camper-Karosserie fahrt de Jürg stolz hei - mit vollem Garacho,  
au bi de Doris im eigene Auto hinter em stiegt d Azeig bim Tacho,  
Da Jürg voller Freud 'über sis Schnäppli lacht,

do hät da Radar scho vo beidne zwei Fötelig macht.

## In der Stadt der Liebe

Am Marcel Langengger gohts immer ganz mies  
wänn är zrugg kunntvu nara Reis'us Paris  
Drümolisch da Kilbi-Gugger i da Weltstadt sich go erhola  
und drümolhänds ihn usgraubt und ihm allas Gäld gstohla  
Drum Mürs: Gang künftig liaberin Zick-Zack go Shoppen mit dinara Frau  
dänn isch dis Gäld au ganz schnellzur Sau.

## Blasenschwäche ist ungesund

Die ganzi Bevölkerig ka i da Zitig zur Kenntnis näh  
dass es im Bahnhof ussa a neus WC hät gä.  
Doch dä Luxus kosc ht an Stutzund da find i doch sehr tüür  
leider au nöd abziehbar bi üsera Gemeinds-Stür.  
Wän i drum künftig min Stuehlgang und min Seich dringend söt lo laufa  
lohnt sich sogär a Billet nebenzua bim FC Räbsc hta z kaufa.

## Fehler gibts auch in der Verwaltung

Wa isch bloss mit üsere Verwaltiga los.  
S Recht zum Abstimma, da gwichtet wir Schwizer doch ganz gross.  
Drum be i so schockiert, traumatisiert - i kas kum globa  
D Räbschter Ämter hend üs um üzers Stimmrec ht betroga.  
Sie wänd wohl nöd, dass mer mitredid, so fies.  
Warum sus schribt die evangelisch Kirchgmeind de falsch Ort uf de Stimmuswiis?  
Dia Politisch Gmeind isc h o nöd besser, da schlot mir sogär uf da Maga.  
Dia verwirrid üs mit eme falscha Datumuf da Stimmunterlaga.  
Mer mönd ab sofort um üses Recht kämpfe und da Spiess wieder umtrülla  
susch tut am Schluss üsi Verwaltig bi da Fusionsabstimmig alli Stimmauswis grad selber usfülle.

## Risikofreudiger Ortsgemeindepräsident

Da Ernst Schönauer isch i d Ferie für e paar Täg  
mit em Jeep sinds durchs Land gfahre uf unwegsama Wäg.

Sini Frau het en gwarnt wia gförlichs isch, aber sie het nu könne hoffe,  
prompt isch da Ernst mit am Auto immana Schlammloch versoffe.

Er hät möse fremdi Hilf hole -ganz allei.

en Traktor het sis Auto use zoge über Stock und Stei.

Und sini Judith het währeddessa us Trotzwitergelesen i ihrem Buech.  
will sie verruc kt gsi ischt wäga däm Ruech.

Und sFazit vu dära Gschicht': D Manna söttid viel mehr uf üs Fraua losa  
dänn hettidsies viel schöner und au kei dräckigi Hosa.

## Scharfes Essen im neuen Ochsen

I bi mit amaKolleg' im neua Ochsa go essa  
und ha a Pizza mit Pepperoni, Chili und Pfeffer gfrässa  
und min Freund isch drum scharf woraund isch plötzlich verschwunda  
i glob, er hät an Stock höher, s Ochsa-Puff doch no gfunda.

## Irrglaube eines Versicherungsspezialisten

Är hät a Anfrage übercho, da Chef vu da Mobiliar  
Da Langenegger Stefan hät natürlich zugesait, da isch jo klar.  
Und hät Holz gsponsoratför da Funka vu da Jungwacht.  
Doch er hät gmeint, er heg an billige privata Holz-Kaufgemacht.  
Und so warteter uf d Holz-Lieferig bis hüt  
Isch dä nöd langsam rief för Pfäffers, liebi Lüt?

## Hundegebell im Steueramt

An alta Ma hät mir letschthin verzellt  
er heg wella zahla sini Stürschulda mit Bargeld.  
Erseg is Rothaus zum Kurt Sieber ufs Amt  
und seg döt versc hrocka ganz verdammt.  
Döt segöppergsi mit ara ganz grossa Schnorra  
und da alti Ma seg sogär fascht gfrässa wora.  
Er isch drum sofort wieder homund da hät sin Grund  
er hät nämli nöd gwüsst, wär gföhrlicher ist - da Sieber oder sin Hund

## **Teure Puncherli**

Bi zwei Hochziga nämlic h bim Roger und bi da Kathrin Keel  
hönd mör Obervögel nebst Reis au Puncherligworfa uf Reinis Befehl.

Üsara Fasnac hts-Brauc h mit Gsang und Puncherli streua  
tuat jedoch dia Verantwortlich a Berneck und üsa Mesmer Xaver nöd freua.

Beidi hönd üs saftigi Rec hniga fürs Aufräumen gesc hickt.

50 und sogär 200 Stutz, da schmeckt nac h amana Konflikt.

Dänn mer Obervögel hönd no rechna glernt zum Glück  
dia Pucherli-Aufräumata kostat sage und schreibe ein Franka zwanzg pro Stück.

## **Liebesleben ade**

Dia alti Bahnhöfli-Chefin isch wieder z ha  
sie sucht im Facebook wia wild an neua Ma.

Da Ex isch uszoga und wohnt wieder allei  
und dia heiss Wirtin isch för a neui Liebi wieder frei.

## **Präsidenten-Spekulationen**

Da Alain Sutter und da Hüppi sind neu bim FC St. Galla dabi  
beidi sind Fernseh-Kommentatora und uf da Lohnlista vum Schwizer-Fernseh gsi.

Und au da FC Rebstein tuat fest an neue Präsident suacha  
i glob bald, da Vorstand tuat jetzt au no an Fernsehma för das Amt buacha.

Denn üsa Girardelli hönds gschickt, är wär jo eigentli au wieder frei  
und dä ex Ski-Star hett vu da Birkenau au nöd wit hei.

Und wänn da zvill Chrampfa wärför da Marc  
dänn mac hid mörihn halt als Küngelibock-Präsistark.

## **Im Rathaus bebt die Erde nie**

I da Zitig tuat ma s präsentiera  
z Rüthi oba tönds s Rathaus saniera  
will s Gebäude nöd ischbereit  
för dia vorgschriebni Erbebensicherheit.

Und üsara Rothaustempelisch för so a Sanierig viel z alt  
und s Gemäuer hätt drum scho mänga Spalt.

Und üsi Gmeindrötsind stark und gär nöd so dumm  
sie fallid nöd grad wäg jedem klinschta Erdbeba grad um.

## **Beizer bitte aufwachen**

Im Kebab-Dreiec k Ochsa, Fantasiaund Subito-Harz-Vier  
gits wenigstens för üs Iheimischi no a feins Sonnabräu-Bier.

Drum gang i hüt obad no uf ana schöni Beizatourmit  
am Apollo vu da AXA-Winterthur.

Doch wegen däna Beizawörd üzers Dorf nöd attraktiver und schöner  
as git z Räbsta bald nu no Dürüm, Kebab und Döner.

Drum widmid wir am Räbstock, am Riethof und da Truba a grossas Kränzli:  
Danke för Schwartamaga, Rehrugga und Sauasc hwänzli.

## **Angebot und Nachfrage**

As isch bekannt, dass ohni dia Altstätter nüt mehr lauft  
jetzt händs sogär am Kutsc her und am Zelt-Mäk sini Geschäfter ufkauft  
Ja, wenn mörGlück hönd und s Fragen nödtönd vergässa  
hönd's vielleicht sogär för üs Obervögelnno Kauf-Interessa.

## **Hauser baut Häuser oder Umwege in später Nacht**

40 Jahre Hausiund do muas au da Bazza Mürs natürli heri go  
und vernünfig wia immer, lohter i da Nacht sis Auto lo stoh'.  
Am Morge wett d' Mirjam s'Auto und da Ma z' Marpa abhole  
doch die zwei Gselle hönd sich i da Nacht davo gmacht uf liesa Sohle  
Da Hausi und Mürs laufid ganz eifach druf los  
und hole muess mer beidi füechtfröhlich uf am Stoss

## **Lüsches Mittagsschlaf ist gestört**

Sie hönd a grossas Problem im Weed ussa  
as isch fertig mit Schlafa und Essa verussa.  
As seg zum verrückt wära, dä Baustella-Lärm  
D Nerva am End' und kaputt segid sini Gedärm'.  
Da Lüschi und Familie Hänesind derart geplagt

und hönd amana Zitigsreporter geklagt,  
sie gängig bald gega d Gmeind' rechtlich vor  
wänn da nu nöd wörd a grossas Eigentor?  
Denn i könnt da Lüschi eigentli au amol vor da Richter zücha  
dänn vor sina Handorgla-Klängkann i au nöd flücha.

## Kulturbesessner Geschäftsmann

Dass da Otto Peter bim Musigverein, das weiss jo jede,  
en guete Blöser isch, do drüber mönd wir nöd rede.  
Er ischt aber au kulturbesesse, drum will er a Konzert go lose,  
„Alt-Persische Musik“ i de reformierte Kirche - aber da isch ganz schö id Hose.  
Usser ihm ist nämlich kein Mensch ufem Platz,  
ganz truurig schlicht er wieder fort, üsara Räbschter Dorfspatz.  
Dahom hät er sich denn besser informiert und glese im Internet,  
dasss Konzerte Wuche später i de katholische Kirche stattgefunde hät.  
So hät da Otto-Peter kei Träne müesse verdrucka,  
aber s Zwei hät üse Obervogel jetzt sicher uf em Rugga.

## Midlife-Krise eines Mitbürgers

Im Alter tuet man zu Schwachsinn neige,  
da tuat üs am Benno Keelsis Bispielzeige.  
Dänn er hät ganz ungeniert,  
sis Gäld in as neus Cabrio investiert.  
S Lache chöned wir üs nöd verkneife,  
da Benno mit am rote Chlapf uf vier Reife.  
I überne Auge hätsich die Investition nöd glohnt,  
sorry, Benno, gsehsch eifach nöd us wie James Bond.

## Der Amtsschimmel wiehert

I lese i da Zitig vum ana neua Fasnachts-Reglement  
doch mis Hirni sc haltat stor - irgend öppis klemmt.  
Dia Verantwortlicha gebedsich kei Blössi,  
und machid Vorschrifta für lärmigi Musik und wäg da Waga-Grössi.  
Kei Alkverkauf, Motora-Lärm verbota und au s' Kiffa  
Mues i ächt am Umzug au nach Reglementgo schiffa?

## Fusionsgedanken

Üsi Bürger hönd beschlossa, dass ma in a Prüfig investiert,  
öbs Sinn macht, dass Räbschta mit Marpa fusioniert.  
Sehr motivert sind natürlí alli a dia Sach' hära ganga,  
ob vo däna Rothus-Chrampferd'Hälfti au wörd langa.  
Und wunderschöni neui Wappä hönds präsentiert,  
i glob, man hät gschieder an Molwettbewerb i da Primarschuel organisiert.  
Doch vom Bauamt, da Füürwehr, da Kircha hönds glaub alli scho kapiert,  
dass mer au nach einer Fusion als Dorf wieter existiert.  
Z' Kriessera, Muntлага und o z Eichawies sieht manglob o,  
s Vereinsläba und da stuur Dörfligeist bliibt trotz allem bestoh.  
Drum liebi Marper, kei Angst, mörschaffid da mit gemeinsamer Kraft  
Hauptsach' merblibid bi üsem Bier und er suffid witerhin eura Saft!

## Reinis Versprecher

Dass a Hochzig Jungi tuet animiere  
über ehri Liebi noch z studiere  
das ka ma jo erkenne,  
aber nöd bi da alta Henne.  
Nocham Apéro vo Kathrins Trauig isch d Reini rächt zwäg,  
und sagt zu zwei junge Manne uf ihrem Heimwäg,  
mit enere Luftschlange i de Hand,  
mit oder ohni Verstand,  
und jetzt müend er ganz guet lose,  
Sie sagt: „Söll i eu eine abe blose?“

## Roman's Ärger ist unbegründet

Da Ortsgemeind sis Fernwärmeprojekt  
ischt am Roman Gruber nöd ganz suspekt  
Er schriebt i da Zitig an Leserbrief und tuat schnorra  
viel zvil Wärmi gäng zwischat Altstätta und Räbschta verlora.  
Roman: Künftig bruchscht du weder Schneepflug, Salzstreuer no an Krana  
dänn dank dära neua Bodeheizigmuest im Winter nümma go bahna!

## **Präsidenten-Besuch in Rebstein**

Da Donald Trump hät uf am Weg as WEF z Davos an Zwüschahalt z Räbschta gemacht  
- isch da nöd famos?

Uf am Dorfplatz isch er um anand tramplat mit allna Security  
und i bi zuafällig am Spaziera und drum sogär live dabi

Är zeigat ufs Rothus, do mach i mer scho a chli Sorga  
"Döt inna regiert my political Freund, the man with da Handorgla"  
Und zum Hoor-Fresser Sieber sim Gschäft, do flip i fascht us  
sait är zu si na Lüt" This is Obervogel 14 with the best fake news".

Da Donald grift sich is orange Haar und sait dänn ganz ohni Stress Hey Busch:  
„Can you make for me dia glich Frisur wia am Gress?“

Und wo är nochher s Geserhusg sieht, sait är uf englisch oder aso  
"Könnt i nöd bi euara Aktivierungsgruppa a Päärl Söck go liesma cho?".

I da Goldmühli una suacht da US-Präsi an Cheese-Burger odera Pizza  
do rüaft da Hermännli us am alta Kiosk: I schick dir grad mini Ritsa.  
Und bim alt-ehrwürdiga Räbstock flüsterad da Trump ganz charmant  
„This is my Lady, Zita the Köchin with da best Metzgeta im ganza Land“.  
Und z letscht frögat mi da Donald vor da Sonnebräu schräg und senil  
„Is this dia berühmt Fischer-Bettwarefabrik from Au-Wädenswil?“

## **Auf Wiedersehen bis zum nächsten Jahr**

Hoffentlich hönd merhüt a interessanti Körnlibank könna machaund ihr höndüber üsi Sprüch' herhaft könna lacha.  
Üsi Vers sind übrigens SUVA-prüft und moralisch konformund 100% kompatibel mit da Rassismus-Strafrechts-Norm.  
Und wännihrau amol a guati Gschicht hönd för üsi Körnlibanksägids amana Obervogel-bereits jetzt: Beschta Dank.